

Radyo an Norvys

(<http://www.dasunys.net/podcast.htm>)

Titel: Nowodhow an seythun (21/11/07)

Auctour: Matthew Clarke

Dydh: 21 Du 2007

Pesyans: 00:03:52

Seythun vras o rag nowodhow a'gan tiryow sten.

Kynsa y teuth derivas bos stenoryon nowydh dhe dhalleth orth Krofti... a'n kynsa dallethoryon lan rag moy es deg blydhen.

Y'n kettermyn ni a glywas bos an kynsa moen sten nowydh dhe vos kevys war-woeles Krofti.

Nebes dydhyow diwettha ha CPR Regeneration a avisyas bos dew-warn-ugens milvil peuns re beu ros dhe'n dowlenn 'Kolonndir'.

An dowlenn ma a vynn treylya an tir a-der-dro dhe Shafta Robinson dhe Gresenn Istor, sport ha park.

Ha dy' Lun y teuth moy nowodhow trist rag istoryon a'gan balyow.

Penndaffar a Hwel Menydh Wellington veu kemmerys dhe-ves.

Perghennoryon nowydh an tyller ma... Kensa Heat Pumps... a lever bos an daffar dyantel.

Unn den re vodyas pryson wosa diwrosa ha skattya kerdhyas... neb a verwis diwetha.

Peter Messen a gavas sentens dewdhek mis, mes synsys rag diw vlydhen.

An den yw eth-bloedh-warn-ugens hag a drig yn Swindon lemmyn.

Ev a ammytyas ev dhe vos kablus wosa skattya Gary Green dhe Stennek-Lys.

An breusyas a erghis dhodho gul tri hans our a wonis dhe'n gemmynieth.

Unn den veu nebes shyndys ha karr-tan veu skwattyes pan goedhas dhe'n dor set a lugern Nadelik yn Truru.

An afinyansow a dorras 'mes brykkys keffrys, pan goedhsens yn Stret Boskawenn.

Hag y'n gonisogeth...

<ilow>

Yth eson ni ow kewsel a-dro dhe dhons Kernewek.

<ilow>

Henn o rekordyans a'n bagas Tan ha Dowr... mes lemmyn yma bagas gwerinek nowydh yn Kernow.

Kyns eseli a Ros Keltrek re dheuth warbarth ha selya 'Hevva'.

Ni a wrug aga gweles kynsa termyn dhe Lowender Peran.

Yma a-dryv dhedha Jenefer Lowe...

[CLIP]

Hag y'n rygbi an bennseythun yw passyes...

An Vorladron a dhallathas aga fit yn unn hokkya.

Mes wortiwedh i a fethas Rotherham eth-poynt-warn-ugens dhe etek.

Koll pella o rag an Para Oil-Du... mes an prys ma ...mar ogas a-vel blewenn.

Lannstefan eth dhe Newbury... ha fethys ens peswar-poynt-warn-ugens dhe dri-foynt-warn-ugens.

Hag yn Kenedhlek-Dew... An Rudhyon a dardhas war Stourbridge.

Dannvenys tre o an vysytoryon seyth-poynt-warn-ugens dhe naw.... gwrys yn-ta Rysrudh.

Otta ni orth diwedh an boelletyn seythunweyth... agas gweles nessa seythun.